



Universitätsbibliothek Paderborn

Praxis Episcopalis

In Qva Episcoporvm Non Tantvm, Eorvmqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolviones ... quàm brevissimè
continentur

Zerola, Tommaso

Coloniae Agrippinae, 1680

Caemeterium.

urn:nbn:de:hbz:466:1-10421

confessione, & communione habita alibi. Sylvest. in ver. Confessor, 1. §. 2. ver. 8. Navar. loco citato, capit. 9. num. 5. in fin. non sine mysterio dixi, sine fraude, quia multi discedunt à propria parochia, confitendo alibi, qui anno elapsō fuerunt objurgati à confessariis, vel eis fuit imposita restitutio, vel censatio ab aliqua mala consuetudine, & sic vadunt ad alias dioceses, ibique confitentur, & ista confessio non valet, quia permanentibus in peccatis est deneganda absolutio, licet eis impediatur à quibusdam confessariis per c. peccati venia, de reg. jur. lib. 6. Sylvest. in ver. Confessor. c. 4. num. 3. §. 2. Secundò, quia nolentes restituere, non sunt absolvendi, modò possint, Cajet. in sum. ver. restitutio, cap. 6. circa ult. Navar. c. 16. num. 59. notab. 4. D. Anton. in sum. 2. par. 11. 2. cap. 8. & dixi in ver. absolutio, §. 9. si d recedente, sive remota hac fraude, valeret confessio, prout dixi sup. Dico præterea, quod posset facere contra hoc cap. 2. de pœn. & remiss. lib. 6. ubi habetur hoc nulla consuetudine posse introduci, ut quis non teneatur confiteri proprio Sacerdoti. Respondetur, quod potest hoc introduci multis rationibus. Prima, quia in omnibus mendicantibus, & iis, quia communicantur eorum privilegia, potest quis confiteri etiam semel in anno. Secunda, ex Bullis summorum Pontificum concessis variis locis, & Confraternitatibus, & præcipue per Bull. Paul. IV. concessam sanctiss. Eucharistiae sac. Confratribus. Nav. inc. 1. in prim. in gl. num. 98. de pœn. d. 6. Tertia, ex facultate tacita, vel expressa Super-

riorum, videntium, & tolerantium. Nav. in c. placuit, n. 334. de pœn. dist. 6. ver. quarto tertio. Quarta, potest hoc introduci consuetudine contraria, & ad textum responderetur, quod potest alia consuetudine tacite, vel expressè concedi, & ratio rationis est, quia id quando est precepto humano inductum, potest humana consuetudine tolli, arg. c. si de consuet. Nav. conf. 5. de feris, vide in praxi mea pœn. cap. 15. §. 1. c. 2.

Ad tertium. Dico quod vagabundi possunt confiteri cuicunque Confessario approbato ab Ordinario illius diocesis, ubi ipsi commorantur, nec est necesse confitenti parocho illius parochiæ ubi degunt, Cajet. Flor. Theol. loc. cit. Cætera de hac materia vide apud Doct. quia intentio mea est tangere tantummodo practicabilia magis, & quæ non ita vulgo circumferunt.

CÆMETERIUM.

AN possit ædificari longè ab Ecclesia, vel propè Ecclesiam, vide Innoc. in cap. abolenda, numero 2. de sepult., ubi etiam dicit, solum Ecclesiam habentem populum posse illud habere, & quid sit, & an opus sit, quod sit consecratum ab Episcopo, vel solum locus deputatus ad sepulturam, vide Anchar. in cap. fin. numero 14. de sent. excomm. libro 9. Et an gaudeat immunitate, qua Ecclesia, vide Abb. in cap. cum Ecclesia, numero 2. de immunitat. Eccles.

CHA-